

Te Kura Kaupapa Māori o Wairarapā

TE PŪTĀTARA

Mōheni - wahanga 3 - wiki 6 - 2023



Tēnā koutou e te whānau,

Nau mai ki to tātou mōheni mo te wāhanga tuatoru mō te wiki 6! Tiro atu ki tō mātou whārangi pukamata mō ētahi atu pānui.

pg.3	HE KŌRERO NĀ TE TUMUAKI
pg.4	HE MAIMAI AROHA
pg.5	HE PĀNUI
pg.6	TE AHO MATUA
pg.7	NGĀ UARA O TŌ TĀTOU KURA
pg.8–11	<u>NGĀ AKOMANGA:</u> KURA NOHINOHI KURA TEINA KURA WAENGA WHAREKURA
pg.12–13	HĀKINAKINA
Pg.14–15	KAPA HAKA
pg.16	TE REO MĀORI
pg.17	TUTAKI KAIKO/KAIĀWHINA



HE KŌRERO NĀ TE TUMUAKI



Tēnā tātou e te whānau - he nui rawa ngā mihi matakui ki a tātou katoa.


Tuatahi rā, kua tīhaehae, kua tangi hotuhotu te manawa i te rironga o Toha Babbington-Smallman ki te ringa o aitua. Ka kore te aroha ki a ia, ki tōna whānau anō e mimiti. Heoi aō rā e Toha, haere, haere, haere, e moe i tō moe tē whakaaratia. Kāti, me tahuri anō ki a tātou te hunga ora.

E tika ana kia mihi atu ki te whānau o Te Kōhanga Reo o Ngāti Hāmua me tā rātou huritau 40 - he rawe ngā whakaritenga, he nui anō ngā hua i puta. Ka mau te wehi!

Waihoki, he nui rawa te mihi ki Whaiora, nā rātou ētahi pouaka rawa whai oranga i tākohā mai ki a tātou.

Ki te marea ka tae mai ia te wiki ki te ako i tō tātou reo rangatira - ka nui anō te mihi atu ki a koutou ka puta i ō koutou whare mahana i te pō ahiahi ki te whai i ēnei akoranga mō a tātou tamariki te take. Kia whakakape ake i aku kōrero, kua whai whāriki a tātou parani ki waho atu i ngā akomanga - he mea whakahaumaru ai i a tātou, kia kaua ai tātou e manea ki ngā parani.

Nāku iti nei, whaea Pip



“He kura tangihia. He maimai aroha.”



E Toha e...

E te manu kākākura o Māui Tikitiki,

E te Toha tāwhionukurangi,

Ko te oro o tō tiu ka anī tonu hei nāia ki a Naia mō te ake ake...

Ko te mauri tēnā nōu, ka tau.

Taku manawa e kakapa nei

Taku manawa e kakapa ana ki te rā,

ki te marama, ki te whetū ka tau ki te rua.

Kātahi au ka kite i te hē, kātahi au ka kite i te mate, ki taku tau kahurangi ka riro kei tua kei Paerau kei te huinga o te kahurangi, Auē, taukuri, e!

Kei te hoa, kei te tuakana, kei te Pāpā, otirā, kei te raukura, e Toha. Ko te ngākau tēnei ka tangi, ka auhi i te rironga ōu ki tua o te ārai. Ka pā te rongo kua hinga rā koe, ko hirikapo e kāewaewa nei ki tua o mahara, ki te wā i noho tahi ai koe ki a mātou, ki Te Kura Kaupapa Māori o Wairarapa. Ka nui te matapōrehu, ka nui te pōuri i tēnei hinganga nui i roto i tō tātou kura.

Kei te whānau whānui, otirā, kei te whare mate, ko matihere, ko aroha mauroa e hou atu nei ki tō koutou whare, ki tō koutou whānau. Kia tau ngā makurutanga a te wāhi ngaro ki runga ki a koutou. E kore koutou e tawhiti i te pae o hirikapo. Haere rā, e te tuakana, whanatū atu rā.

He pānui

WINTER UNIFORM

KAKAHU KURA



TERI 3 AS WINT UNIFORM
PLEASE CONTACT THE TARI IF
YOU HAVE QUESTIONS ABOUT
UNIFORM.



WHAREKURA

If you are not yet connected to our Facebook page, please jump on and join up



TE KURA KAUPAPA
MAORI O WAIRARAPA
WHARANGI PUKA MATĀ



Rāpare 14 Mahuru
Hikoī mō Te Reo Māori
wehe atu i te kura ki
Moore Wilsons: 11.30
karakia: 11.50
Hikoī: 12pm



Mufti Day 1/9/23
Rāmere 1 Māhuru

Dental care for rangatahi is free

You can access free dental services between Year 9 and your 18th birthday.

You should have at least **ONE** dental appointment each year.

If you aren't already seeing a dentist, you can make an appointment directly with one of the listed dental practices, or you can contact the **Community Dental Clinic** and get in touch with the adolescent coordinator on **06 377 9071**.

Dental Clinics that offer **FREE** dental care to rangatahi in Wairarapa include:

Masterton

- Kevin Wong Dental
06 378 2777
- Lumino the Dentists
06 377 4989
- Grace Dental Care
06 378 2281

Carterton

- True Dentistry
06 379 8799
- Park Road Dental
06 379 8370

South Wairarapa

- Greytown Dental
06 304 8906
- Martinborough Dental
06 306 6024

TE AHO MATUA

Tamariki wāwāhi tahā aratakina ki te mātāpuna o te mōhio, o te ora, o te maungārongo.

Whaia te iti kahurangi ki te tuohu koe me he maunga teitei.

Āhuatanga Ako 5.4: He mea nui te noho wahangu me te whakarongo mō ngā tamariki. Mā te mau o tēnei tuahua e rongō ai ngā tamariki ki te hōhonutanga o te kōrero.



"Ruia te taitea, Kohia te rangiura"

NGĀ UARA

"Whanaungatanga"

He whakawhanaunga ngā mahi i te kura. Kia kaua e noho mokemoke tētahi tauira me mahi ngātahi.

Kia tūwhera i o mātou ringa i ngā wā katoa ki ngā ākonga ahakoa ko wai. Ko te kōrero atu me te tākaro tahi ki te tangata ahakoa ko wai ia. Mehemea kei a koe he kūtarere tohaina ki ō whanaunga, ō hoa.

Ko te whakawhanaungatanga anō hoki ki ngā kura o tā tātou hapori anō hoki.



Kura Nohinohi


Ngā mihi mahana o te wā ki a tātou katoa. He mihi maioha tēnei ki a tātou tamariki hou, nau mai haere mai ki a Alexia-Jade raua ko Riria, te manako ka pai tō noho tahi mai ki a mātou o Kura Nohinohi.

I tēnei wāhanga mō te Pakirehua, kei te ako mātou e pā ana ki te whānau o Tamanuiterā, arā ko ngā aorangi. I te mutunga o tō mātou kaupapa o Matariki, i te kaha pātai ngā tamariki e pā ana ki ngā aorangi (planets) mē ngā mea kei tuarangi (space). Te hīkaka hoki rātou mō te ako i ēnei mea hou.

I tīmata mātou ki a Tamanuiterā me te pūrakau o Maui me te Rā. Te maha hoki o ngā pātai, ngā whakaaro hoki i puta mai. Kua tīmata ngā tamariki ki te whai māramatanga mō tēnei o ngā pūrakau. I ako hoki he whetū a Tamanuiterā. Inā rawa! He tīmatanga noa tēnei o tō tātou haerenga ki tuarangi - This is just the beginning of our new adventure into space.

• Ānei ngā ingoa Māori mō ngā aorangi (planets):

1. Apārangi – Mercury
2. Kōpū - Venus
3. Papatūānuku - Earth
4. Matawhero - Mars
5. Pareārau - Jupiter
6. Rongo - Saturn
7. Whērangī - Uranus
8. Tangaroa - Neptune





Kura Teina

NGĀ MIHI MAHANA KI A KOUTOU,
KUA TĪMATA PAI NGĀ MAHI KI KURA TEINA. KO TE
KAUAPAPA AKO I TĒNEI WĀHANGA, KO TE TE AHO
MATUA. I TĒNEI WIKI I TE ARO MĀTOU KI TE WĀHANGA
TE REO. KO TE TAUIRA ME TE PĀNGA MŌ TE
PĀNGARAU.

NE MIHI TĒNEI KI A KOUTOU I TAE ATU KI TE HUI Ā-
AKOMANGA I TE WENEREI. KUA KOHIA E TATOOU OU
WAWATA MO NGĀ TAU E HEKE MAI ANA.
KUA TAU MAI A HOTOKE, HE MAKARIRI, HE MATĀO
HOKI NGĀ ATA, KIA KAHA KI TE KŌRERO KI OU
TAMARIKI MO TE TIAKI I NGĀ KAKAHU HOTOKE KIA
NOHO MAHANA RĀTOU KI TE KURA
NĀ MĀTOU O KURA TEINA



Kura Waenga

TE AHO MATUA 1.5
HE TAPU TE TANGATA, AHAKOA KO WAI.
KŌHUNGAHUNGA MAI, TAMARIKI MAI
TAIPĀKEKE MAI, KAUMĀTUA MAI.
HE TAPU TE KATOA.



WHAREKURA



I haere tētahi roopu iti o te wharekura ki te whakanui i te mahi toi o Matua Sam Ludden. He kaupapa i tuku atu nā te kaunihera o Whakaoriori i whakarite. He rawe tēnei o ngā mahi e whakaatu ana i ngā pūkenga mō te taha ki te mahi toi o Matua Sam.



I haere mātou te Wharekura ki te Whanganui-ā-Tara ki te tiro haere ki ētahi umanga rerekē hei whai whakaaro mō o mātou mahi whai muri i te kura. Ko ētahi o ngā umanga mahi ko te Tauā Moana, whakawhānau pēpē me ngā mahi o te Pirihimana. I te mutunga o te rā i hoki mātau mē ētahi pēke kī ana ki ngā tāonga pārekareka me ngā whakaaro mō te maha o ngā mahi umanga.


HĀKINAKINA - KURA TUATAHI NGĀ HĀKINAKINA O TE WĀHANGA 3

*WHAIWA TE ITI KAHURANGI,
KI TE TŪOHU KŌE ME HE MAUNGA TEITEI*

Kua tae anō te wā mō te wā hākinakina mō ngā ākonga o Kura Tuatahi Tau 1-8. A te wiki e heke mai nei, ka tīmata ngā kēmu poitūkohu mō ngā tau 5-8 ki te kāreti o Wairarapa. Hei te wiki tuarima, ka tīmata ngā kēmu minipōro ki te whare o YMCA.

He aha anō ngā hākinakina o te wāhanga nei?

Large Ball Skills, Miniball Festival, Have a Go Sports Day, Girls and Boys Rippa Rugby Festival. Tirohia ki te whārangi pukamata o TKKM o Wairarapa mō ngā pānui hākinakina.



HAKINAKINA WHAREKURA



POITŪKOHU

KO NGĀ TAU 7 KI TE 8
NGĀ TAMARIKI KA
TĀKORO POITUKOHU.
KO TĀ MĀTOU KĒMU
TUATAHI I RERE PAI, I
EKE PANUKU MĀTOU KO
NGĀ PIRO MŌ TAUA
KĒMU KO TE 14-10.



WHUTUPORO

I te Rāhoroi i tākoro a
Jay-Morris rātou ko Jordan ko
Tuteremoana ko Maika, i te
whutuporo mō te kareti o
Mākoura, ahakoa i raro e
putuana i rawe te kēmu.



NGĀ PUAWAI O TE KURA KAUPAPA MĀORI O WAIRARAPA



E hīkaka ana ngā
kaihaka ki te tū ki te
Mana Kuratahi te
whakataetae kapa haka
ā-motu ka tū ki
Whakatū. Kei te noho
matou ki te marae o
Omaka ki Waiharakeke.

E mihi ana ki te nui ki te
rahi o ngā whānau te
hapori anō hoki i
tautoko mai i a tātou ki
te taha o te pūtea. Nei
rā ngā mihi maioha ki a
koutou.



TE RĀ KA TŪ

Turei 31 o Oketopa

TE AHO O WHĀTONGA

I te 2 o Hereturikōkā
i tū te rōpu o Te Aho
o Whātonga ki te
whare o Tū ki Linton
mō te whakakāhahu i
mua i te whānau. I
tūtūki ngā mahi, a
tērā wiki ka tū te
rōpu ki Te Pae Taiohi.



KIMI KUPU

Rapua ngā kupu e hāngai ana ki a Matariki me te taiao i te pangakupu.

Matariki
whānau
taiao
Hiwaiteurangi
Tipuārangi
kaitiaki

moana
awa
Ururangi
Pōhutukawa
Waitā
whenua

whetū
Waipunarangi
Tipuānuku
Waitī

H	G	K	T	A	I	A	O	M	T	Ē	K
I	W	R	I	W	Ē	W	H	E	N	U	A
W	A	I	P	U	N	A	R	A	N	G	I
A	I	N	U	R	Ū	N	M	P	Ā	Ō	T
I	T	M	Ā	T	E	Ō	A	I	W	K	I
T	Ā	O	N	H	K	W	T	H	H	R	A
E	M	A	U	Ē	Ā	P	A	E	Ā	W	K
R	I	N	K	U	R	U	R	A	N	G	I
A	W	A	U	Ō	A	H	I	M	A	R	O
N	Ū	W	H	E	T	Ū	K	N	U	G	Ē
G	W	A	I	T	Ī	W	I	Ū	P	Ā	M
I	G	T	I	P	U	Ā	R	A	N	G	I
Ē	T	P	Ō	H	U	T	U	K	A	W	A

Tūtaki Kingi Roberts

KAIĀWHINA MŌ KURA NOHINOHI

Hoea mai te waka tapu o Kurahaupo ki Aotearoa nei
E tu nei au ki te kōtiritihi o Rangitumau
Ka titiro whakararo ki ngā wai whakaika o Ruamahanga
Kia hou atu au ki te marae ātea o Te Ore Ore
Ka mau i āu te korowai o tōku matua tīpuna o Ngāti Hamua
Ka tū au hei raukura mō tōku iwi o Rangitāne



I tīmata au taku mahi ki Te Kura Kaupapa Maori o Wairarapa i te tau 2021, i te wāhanga 3. Ko taku mahi tuatahi ko te Kaitiaki o Mohi. Mai i reira i whiwhi he mahi hei Kaiawhina. I kuraina au ki tēnei kura. He waimarie au kei konei tonu au e mahi, e tuatoko ana i ngā tamariki o Wairarapa.